

兩
浙
輶
軒
錄

兩浙輶軒錄卷二十七

謝垣 謝壩 沈作霖 屠可堂 梁夢善

盧鎬 王又曾 蔡書升 李昌昱 施學韓

鄭炎 汪曾裕 溫禮存 沈棠臣 王豫

沈容 陳景淳 徐玉樞 羅世芳 史積琦

鄒嶙 吳嗣富 聞人棠 周宸望 沈潛

盧同 施謙 楊觀誠 范鶴年 薛芝

姚成烈 梁敦書 鍾麟書 徐以震 吳嗣范

湯世昌 朱山 沈清任 楊疇 李雋

厲珙 范昱 薛廷文 張繼斌 朱英

姜宸熙 張逢年 唐之鳳 姚麐 沈麟燦

蔡人龍 周應垣 胡裘鏌 周紹鈞 金廷輝

葉驥

兩浙輜軒錄卷二十七

督學使者阮元訂

謝

垣字再東號東君嘉善人乾隆丙戌進士官刑部員外著壺領山房前集後集

夜望

澹烟籠素魄四顧轉淒涼竹響風聲碎松翻露氣香乍驚街
鼓寂又覺寺鐘忙極目天涯遠忘情亦斷腸

嘉禾寓中間秋蟲

何處瓜畦絡緯聲虛堂欹枕正三更旅人本少思鄉夢都被
秋蟲暗織成

買得漢隸分韻舊本中夾繡鍼綵線花樣諸物

章程墨妙慕無雙孤腋千金集狀長染練已憐描蛺蝶懸鍼
猶記繡鴛鴦蔡邕遺法能傳女衛鑠浮名恐蔽王欲使簪花
臨筆陣青牛文帳護琳瑯

兩浙輶軒錄

卷二十七

謝垣

宣武門外橋上望新柳憶舊

楊柳青青拂御溝
小車暫駐豁凝眸
一百五日已過盡
二十四年還記不
已卯家居每
蝶夢故應紛
署褪蜂衙聊爲蜜脾
畱漁洋已遠竹垞杳
獨坐蕭齋酒半甌

謝

壩字崑城號金圃又號東墅嘉善人垣弟乾隆壬申進士歷官吏部侍郎降編修著安雅堂詩鈔食味

詩

阮元墓誌銘曰公姓謝氏諱鏞字崑城號金圃又號東墅系出晉太傅廬陵郡公後明嘉靖中十一世祖諱琛一山會稽遷嘉善之風涇曾祖諱元一祖諱春芳父諱永輝皆以孝友文學傳其家並因公貴累加封爲光祿大夫吏部左侍郎公少穎異舉止端雅如成人讀書不忘文辭隱博經史百家靡不綜核以優行貢太學乾隆十六年上南巡狩獻賦賜舉人授內閣中書十七年賜進士出身改任翰林院庶吉士授編修辦翰林院事讀翰林院文與繙書房詞館並誤落職廿四年獻平定回疆凱歌復原官上書房行走充起居注日講官丙子歲辰順天郊

試舉已會試皆同考官乙酉福建鄉試正考官游陞授翰林院侍講左春坊右庶子翰林院侍讀學士卅三年

恭和

御製內閣學士兼禮部侍郎以父憂去官起復拜前官教習庶吉士授工部右侍郎轉左侍郎充經筵講官卅九

右侍郎督學部政右侍郎轉左侍郎充經筵講官卅九

上東巡狩迎於岱麓時兩金川蕩平

御製告祭太學碑文

特先賜觀並此次進冊可作古文於是撰平定金川說得旨嘉獎四十三春調禮部左侍郎會試知貢舉吏不敢欺

允行秋扈稱便閣中章數上多侍郎會試知貢舉吏不敢欺

江南鄉試正考官副總裁殿試讀卷吏部有捐復事公議

上從公議四十六年充會試正總裁殿試讀卷

上擢錢榮為一甲第一錢公鄉會兩元皆出公門至是成三元稱盛事四十七年轉吏部左侍郎充癸卯江南鄉試

上六巡江浙正考官卽補江蘇學政

賜詩嘉獎

上方喜得皇元孫一堂者幾奏稱

命公舉自古五代一召問時政公言洪澤湖形勢日淺昔如釜今如槃偏災賑卹

上諭請改本色為折色不能應饑民之急所奏難行柯務

勅交廷議五十二年兼署禮部侍郎江南河臣奏春汛安瀾

旨命公親往履勘前奏誤請議處奉

見先是大學士阿公以公被傳聞對語喇請入告至是京察

恩旨革職留任上書房各官職課皆嚴飭以公在內廷久責尤

上八旬萬壽公撰賦頌十二章以獻五十六年春大考翰

上諭翰林院奏公老知可為文及試公卷擬三等

上寶璽覽然識之曰有小註者是擢之曰謝塘前之物議本

聖心愛惜恩深仁重莫是過焉公此時年七十二矣自謂精

氣未全衰惟知力保直不敢告歸以林泉自逸冬復

命在

上書房行走屢被

命和詩賜福字

恩遇如前公病患濕

上遺太醫院堂官臨治

召見單無公名

時對六十年得

自以原品休致是時

皇太子暨諸皇子公疾日篤

居伏牀叩首稱謝四月初九日卒

性孝弟居親喪哀毀骨立及通顯每遇管轄輒以悲繼

喜逢諱日未嘗不涕泗交頤也里居讀禮鄉黨稱之公

宅心仁厚天懷坦白事貴以禮待下不驕大舉士傳文

忠公以禮聘授館額白事貴以禮待下不驕大舉士傳文

請業公九掌文衡而江南典試者再督學文襄王皆論文

拘一恪皆寒尤重江都汪中容甫江強記博問才氣橫

所選皆孤寒尤重江都汪中容甫江強記博問才氣橫

發貧困未知名於時公語人不惜自貶以成人名如公再

學于容甫北而矣其不勸極力居公第讀書數年高

督學元始應童子試公獎勵極力居公第讀書數年高

郵李進士惇定錢進士塘山陽汪侍講廷珍儀徵江

侍制德量通州胡學士長齡陽湖孫觀察星衍甘泉焦

明經循金匱徐孝廉嵩等識拔不可勝數是以江淮南

北務實學之士靡不伏公之學感公之勝數是以江淮南

年稱之不哀願得若公其人者再茲為幸公所著安雅

三

三

三

三

三

三

三

堂集十卷以經史小學爲本
國家有大慶大功雍容揄揚擬諸雅頌恭讀

御製文輒以跋文附明

賜便蕃不可勝紀安雅堂詩集十卷格律凝重直溯盛唐東

書正統四卷發明三代造字本義詮證秦漢諸儒之說

川正一徐鄭樵戴侗楊桓周伯琦等謬尤好鑄鼎

獨追象形象事象意之本謂許慎象文三

紅樓夢詞話卷之八

出經入史故公之所爲小學也依據許氏而更溯其本又

嘗校正荀子揚倬注逸周書孔晁注合之盧學士文驛

所校鉞板賜學者公初娶費夫人贈夫人後娶

金夫一人
金千一
金千一
金千一
金千一
金千一
金千一
金千一
金千一
金千一

易真
欽賜舉人
應諸
嚴州
同知
卒
慶鍾
太學生

女長適而隸通州巡檢通判韋協夢次適廩貢生吳

紹興孫入江宇澄淮河漣沐泗保隆六十年
字子

月二十三日公薨於嘉祥縣之國廟。年七十八。諡曰文宣。子元孫等葬於嘉祥縣之國廟。年七十八。諡曰文宣。

力能仁德之後必大顯示褒寵純篤至生我公孝

弟摩于幼冲推以事

君遇克錫忠

帝曰汝才既富且鴻用汝于文淵閣到隆慶間學賢拜
禁中五花書鳳九章給龍其文赫赫其光熊熊永鑑景徽
物無遜容氣伸尚異淚感孤窮士敦經術皆公之功惟

帝教育臣千石代農惟
帝教臣協恭和衷惟

恩周始終臣形雖阻精神尚充詩書雜誦子孫其逢林泉岡
道佳城穹窿雲飛桓表日冷青松蠹書漆簡黃腸共封

敬書貞石
納諸幽宮

阜城旅舍卽事

脫却生衣益布禪行看細縠出秋雲已涼天氣剛爲客未老
秋光恰似君繭紙數行臨薛稷練裙幾幅寫羊欣高才實可
空流輩餘藝都看出典墳

暴書臺和韻

夏秋須暴書以防蠹蝕字穆傳紀羽陵古今亦無二後人爲
築臺以留仰止意非必如郝隆與人矜腹笥穿鑿說表暴反

乖尙絳義辛泉小篆工玉筋亦一器司張兩賢侯先後宰此地誰不讀庸孟荒祠忽睹記

渡淮

真作同舟濟夾舟頗有聲秋風半篙急夕照一城明盛漲痕方退洪流勢已平乘橋待歸路鏡面月華生

彭城食棗感舊

彭城之棗大如卵七月已見堆盤盃兩枚飽噉放酒瓊翻然却憶都門產我廬數樹種獨罕五月始見花纂纂六月歸來青子滿出門七月剛上泝樹下流連弄斑管往年食棗拂素簡所寄所思致款款新之與棗同時撰繭紙封題蛇蚓綰來來叱叱一笑莞安期仙子蓬萊館流光轉瞬秋思晚赤心依舊開庭畔瓜果筵前秋晚晚方難憑淚痕消

燕子樓

劍履驚心化白楊舊遊淒絕校書郎牡丹花合黃金買燕子
樓存紅袖香地角天涯悲錦字玉簫瑤瑟冷霓裳尙書安用
姬人殉此意猶堪溯敬姜

泉臺不更寫風流送葬名花死便休曠代詩仙追白傅後來
名士集黃樓披雲又結笙歌侶落絮空成粉黛愁錄罷小名
太癡絕南鄉一曲暮煙秋

和單溪池河驛

山縣水不經乃稱池河驛池河兩邑界通川湮前迹日中市
喧厯負擔度阡陌蚩蚩聚闐闐稍稍見居積貿遷猶古風菽
粟及麻麥交易無狙獮司市平其直居然唐魏風我行所未
歷飯罷陟岡嶺雲氣霽後赤搜奇任鹵莽汲古成滯液明發

珠龍橋竟泝清流碧索塗慚冥行賴子得繩尺歐蘇不再生
與子數晨夕

和清流關

千盤削芙蓉殿關俯翠嶂當年屯重兵天險莫可抗黃袍來
陳橋彩雲已芒碭銜杖明月中直抵將軍帳一躍千里電生
擒兩洞壑遂令憊弔懷蒸爲豐樂釀經行憩精藍縱覽收清
曠絕少宋時碑毋論晉唐上遙睇琅玕山歐陽愜幽訪清泉
鳴琴筑風流不能忘誰知武庫兵又屬文壇將握手語翁君
同軫紆西向不尋醉翁亭後來恐成悵

孟子廟

羣雛紛好戰一叟說歸仁聖學誰傳孔天心未厭秦衍儀同
姜婦楊墨廢君親不有孟夫子微言孰與陳

河間

籃輿亭午晚涼生野水川原夾鏡明急雨黍田燕伯國殷雷
柳岸獻王城苔痕候館伊威見燈影重簾蟋蟀鳴心喜故人
聯夜榻瀟瀟如晦不勝情

過東阿王墓

繡虎才人埋骨地秋風落照豆萁青洛神賦罷情先慘銅雀
臺成鸞已形高會心傷無七子駢誅目擊到雙丁魚山感唱
管窺寥誤盡平生醉不醒

徐州道中

煙鬟如畫古徐州鏡面無波汴水流水面韭花鋪白雪白樓
不見見黃樓

游攝山宿棲霞寺

兩折階前錄卷二十七 謝鼎

微徑緣蘿葛珠泉汨汨來試茶聊踞石杖策共登臺松老一
居士塋殘半劫灰東湖明月上巖縫豁天開

過兗州城用工部韻

天淨鴻飛後霜繁木落初河波凝北濟山勢豁南徐鴈詠寒
蟬息池臺荒草餘不逢杜陵叟走馬復踟躕

泗源亭

汶水湯湯去遠汀參差樹石插層冥西山翠繞東平陸大野
源迴小洞庭古墓二王無斷碣離筵五守有空亭谿堂池館
渺何許楓葉蕭蕭點落萍

趙北口和覃溪

野航忽與羣鷗羣南陞北際同停雲丁沽直下浩無岸一壺
明鏡披蘭紋廿年經過七八度滄桑小有龍蛇蟠爭當溶溶

弄秋碧片帆歷歷來清霽蒼葭白露固妙詠南華秋水尤奇
文宛然秦淮桃葉渡今宵清夢吳謳聞

寄王秋汀觀察

平生金石交山舟與東白秋汀又東白父黨親齕齒聯硯席
山舟師門誼壯歲同仙籍每爲文字飲不乏花月集瞥眼軟
紅塵相看頭似雪我今七十三兩君踰六十絕徑之雲霞深
山之松柏霜露不改容寒燠不易節去年山舟至孟秋望二
日一握十五載倒屣心神憚病中謝塵壒意外獲晨夕茶瓜
遺三庚盤桓度匝月良規妙箴砭情話吐肝膈送行成惘惘
賦詩徒惻惻東白不果來失望彌緼結感君待我誠遠道書
不絕念我桂玉艱哀我腰脚疾丹藥間未提纍纍致使驛及
門有舊游意氣增奮發從善相應求服義賴倡率優游聊卒

歲濡沫蘇鮒轍吾生原有涯宦海不易測加之向平累既老
未能畢富貴如浮雲俯仰已陳迹廿年西河淚玉潤君痛惜
大兒昌鑒東白之甥幼勤學東白愛之以女衰齡再鼓盆手
字焉年十九舉庚寅孝廉二十二歲而寡足相繼折茲月家書來哭妹又哭姪瓠落無所容匏繫何堪
食避匿惱親朋抑搔困婢妾先塋二十載魂夢松楸植此意
與君同南望長太息山舟孝友人高雅出樸實拔俗千尋上
言行非迂僻處事秉中庸銖黍無爽失善哉平仲交庶幾君
之匹且復具藻鑒於君有特識東白以丙子年入都寓於聰
鐘山房因得交山舟山舟一
見傾倒訂交極深自是文酒之會
兩君必偕若杉亭寶所並稱雅契囑我附書詞問訊言闊別
扶杖溯前遊賞契山真積揮毫老益神此後難再得君如金
知己此翁不可失姚生旋蜀便報君無畏物吁嗟桑梓懷一
生其休戚未辦買山資且學延年術辟穀漸自然飲酒猶溫

克爲君結心期攜手紅橋月地名紅橋王謝兩家橋開我振

靈軒予少時讀此坐我澄懷室東自讀書處顏泛我朱雀船召

我烏衣客櫻笋餞春光尊鱸飽秋色此樂難具陳此願難意

必雙鯉數行中未能罄胸臆長吟五言詩以補報書尺

鱸魚爾雅釋魚無鱸說文亦不載此字見之玉篇廣韻

而此魚純白微青不黑或謂以蘆長時出故名考緯

書河圖挺佐輔黃帝受河圖于翠螭之水大鱸所流

而至則其名由來久矣今惟松江一帶百里左右有

之以六月月中出質極細嫵離水即不活漁者以清晨

細得之買歸即須烹之逾時候矣暴乾之名

豈爲秋風鄉思增蓴羹菰飯要同登神仙便是逢元放羈宦

能無感季鷹曉市波浮催膳鼎秋江霜下賤漁翁莫誇玉鱸

金蘇法攜酒蘇公樂不勝

沈作霖字雨蒼號榆村歸安人乾隆

壬申進士官平南知縣

兩浙輶軒錄卷二十七

沈有清

八

典興詩話外舅沈榆村先生維庵學士曾孫爲諸生負盛名令平南已卯庚辰同考賦菊影入首膾炙人口作澤州土風詞四十餘首可補郡志其詩集因在省捐館不知遺亡何處余甲午使粵感懷云讀書歲時恭持衡往事心摧樂廣清鶴化天涯曾灑淚鵲啼嶺表舊傷情遺文未見門生守廉吏長留身後名椒醕欲陳無路遠
離江森森
又沾纓

容舍九日卽事

橘林娟娟新著霜曠野木落征鴻翔問弄翰墨忘久客陡聞佳節驚他鄉采萸采菊並懶惰學仙學道俱荒唐但恐憂虞成疾疾那將外物寬中腸笑殺海濱強解事登高漫說山長房蓬壺縹緲不可到今此部婁誇巍昂譬若羣若集鷓鴣不知雲霄搏鳳皇我方低頭誦經史時復獨坐耽幽篴興闌穩臥七尺簾壁立欲占千仞岡古來高人例寒餓秋深田舍偏豐穰池魚斫鮮抵瑤柱木棉收花欺鵲鴝種秫自作粃糝美

題儻底用詩篇忙我聞好尙各異趣鶴脰與鳬殊短長越人
斷髮賤章甫海畔逐臭憎蘭芳世事只堪付一粲人生幾度
逢重陽徑須酩酊樂杯酒何爲涕淚沾衣裳

飛來寺

化城來絕遠縹緲出林間列岫開屏幃飛泉答佩環寺門修
竹靜僧磬白雲閒帝子愁何在茫茫對此山

過百花洲

誰移岩壑入江城石逕參差水木清荷背腎珠畱雨意松梢
偃蓋納秋聲賓朋時復傳觴詠花鳥猶然解送迎遁跡偏容
高隱者至今廢圃憶雲卿

送戴卯君先生守潯州

嶺外崎嶇鳥道連征帆先挂洞庭船家惟鄰架書三萬官若

湖州路八千澧水有蘭經北渚衡山無雁到南天達人原自
忘遷謫也觸羈愁到酒邊

屠可堂

字斯齋鄞人乾隆壬申舉人官

鄞縣志屠可堂性至孝父庶常以事被逮將受杖可堂
挺身詣官請代令怒其父子重杖四十可堂素孱弱及
是血肉狼藉扶出堂下觀者皆為揮涕舉孝廉考授
內廷教習期滿分發雲南初署定遠縣改姚州知州丁外
艱服闋補大理府太和縣適有征蠻之師軍需絡繹騰
治蒙化府有合江驛在淡山密箐中遇急遽時致誤大
吏激可堂兼辦凡役夫餽給錢三百而軍褒必藉馬輪
送官馬不足僱之民間其值與夫價等乃出私錢增其
二公事始得如期及撤兵題署白鹽井是舉曉戶向苦
采薪山嶺懸崖側立運致甚艱煎熬常不及餉可堂見
山頂有泉乃鑿巖壁如湮漕狀運薪木
順流而下民以為便以勞得疾卒于官

朱文藻曰辛未三月

聖駕南巡幸浙省敷文書院

御製七言律詩一章

命在院諸生和韻屠可堂以恭和

御製詩於一百三六人中衆

欽取一名

召至宮門
賞賜綵緞有恭紀詩在集中

九日寄呈家大人杭州

十載登高南北異
言旋猶復滯湖濱
趨庭獨對黃花冷
落帽

遙憐白髮新
乞米半生長作客
授衣九月尚依人
片帆可許

歸東渡黃酒盈樽待洗塵

梁夢善

字兼士號午樓錢塘人乾隆癸酉舉人官蘄縣知縣著木雁齋詩鈔

程晉芳木雁齋詩序畧曰午樓為相國文莊公介弟年十五舉於鄉雅不欲以貴介自處所交友皆老名宿如丁敬身軾樊榭金壽門杭堇浦袁子才輩日聆其緒論又多病禮閑困頓且二十年出宰一縣悲憂喜噩一託于詩嘗以所和子才秋草詩示余余曰子之詩發源於貞元大歷而以玉溪生為歸者耶午樓拍余肩曰知言哉子得吾心矣自是凡有作必示余已丑之秋與余及今侍郎沈公雲椒同舟南下途次偶和者五十餘日得一題冥思殫慮必造古人幽微單渺之境而後止周知其詩品之高必不如世人之好為汎濫也梧門詩話集句以奏拍如自己出為佳錢塘梁午樓夢善春晚即目云芳草又芳草畫屏又畫屏寄友集唐云

兩浙齋輯錄

卷二十七

屠司堂梁夢善

十

贈以玉如意比之秋竹竿抑何工緻其湖上晚歸口占
云一枝柔勝亂煙中快倚篷窗四面風指點白鷗衝岸
去清波門外夕陽紅詩
中有畫真絕妙好詞也
隨園詩話午樓六上春官不第出宰蠡縣年過四十而
卒出都一首便覺不祥其咏蕪鹽云夢去恰疑螢墜月
抱來錯認玉爲煙飲沈椒園太史家云徵吟韻許追前
輩中酒身還耐薄寒述懷云洗馬清羸潘令鬢外人剛
認一愁無皆清詞麗句楚楚自憐亦有壯
語如出塞不辭三萬里著書須計一千年

送趙藥君游京師

一夕離心動薜蘿故人從此駕單舸
經江北梅花少春到都亭柳色多
快寫名篇當委雉偶描時樣入修蛾
鄉園舊侶紛相憶消息應煩寄玉河

小除日偕施茗柯游惠山寺

緩棹梁溪又一時九龍山色太迷離
竹鑪烟靜茶初熟佛院香銷客到遲
是處雲巒皆入畫偶來池館好題詩
殘年莫漫

嗟行役游屐今朝得自隨

沈蕺林先生招集隱拙齋觀牡丹分體得七言律

春風先度曲欄干
杖履趨陪洽笑歡
令客每教攜手過
名花真要捲簾看
微吟韻許追前輩
中酒身偏耐薄寒
珍重後遊還秉燭
故園櫻笋正堆盤

新正十八日同人似蓼北上登舟後漫成

浮生踪跡比閑鷗
又著征衫趁遠游
多仗春風爲相送
新年人上牡丹頭

科名三五未爲遲
十載春官事可知
今日江湖重回首
煙波如夢雨如絲

汀花岸草皆相識
海燕江鴻總結隣
一種銷魂空悵望
秦嘉書寄與何人

秋草

捲簾人自對西風回首天涯悵望同金谷園中行跡斷碧雞
坊畔舊游空梧桐影落斜陽外蟋蟀聲寒小院東記否踏青
時節近畫船歸去太匆匆

玉階芳信漸依稀歲晚王孫還未歸鴉鳩鳴殘春已去蘅蕪
香散夢全非黃昏望遠愁迷路綠慘逢人問換衣最是鄉心
搖落處青青河畔早霜飛

秋風嫋嫋倍堪憐舊日曾來拾翠鈿謝客詩成聞暮雨管公
莊廢賸寒烟羅裙捉蝶纔三月秋扇流螢又一年太息紅心
憔悴盡輸贏誰與鬪嬋娟

迎涼節至感芳華彷彿三春怨落花馬散玉關肥苜蓿月明
青塚冷琵琶飄零苑柳垂寒露蕭瑟江楓映晚霞千里無人

空極目萋萋門巷是誰家

熏鑪

何處曾聞百和熏似從天上氣氤氲卷衣定合來秦女繡被
何妨擁鄂君小撥寒灰輕結霧頻添活火細生雲樓高盡日
窗全掩自理當年百摺裙

不上春風玳瑁筵傍人常在畫樓前芙蓉帳小憐分暖翡翠
林空伴獨眠夢去恰如懷墮月抱來錯認玉爲烟阿灰可是
相思苦微雨黃昏感二年

鑪成應自費黃金丁緩傳來用意深午夜不離才子座西風
常熱美人心閒尋苟令經畱處偶憶溫岐悵望吟

溫飛卿詩
熏爐悵望

時今日鳳城寒太劇早朝偏又負香衾

鬱金堂畔鎖銀魚寂寂猶堪透綺疏小篆依微風定後迴文

縹渺酒醒初侍兒候火垂紅袖令史更衣曳紫裾鵲尾更教
添驚縛有人芸閣自修書

九月十二日出都自廣渠門抵張家灣登舟有感

何處人間有雁聲暮雲無際且南征西風禾黍臨官道落日
牛羊近古城生意漸如衰柳盡浮生只共片帆輕勞勞踪跡
年年是淒絕天涯此夜情

病中偶述

飛騰意氣復何時病裏形骸百不宜薄宦竟同爲客苦長貧
方悔養生遲癡僮倦乘王褒約老嫗空吟白傅詩蒲柳望秋
憔悴甚朱顏直恐鬢成絲

虛

鐫字配京師人乾隆癸酉舉人

蓬山清話先生學無所不窺少時日與同里楊爾音爾
取書中隱僻事爲樂作詩隨興揮就不論韻部故時有

出入處嘗謂予曰向作詩成屬友人范冲一為之正韻
否則改之本抒所欲言不耐為之局也其胸中落落多
如此書法脫灑可喜小楷極秀勁喜作畫畫必在醉後
燈下作之禿筆焦墨浪峯叢薄稍存位置與畫即已聽
人取去有嘲之者予
曰畫正如此作也
袁鈞曰虞錦少受經史於史榮已復從全祖望游祖望
家多古籍每歲客遊假大江南北藏書鈔本至數百冊
以歸錦盡讀之為人靜穆
寡言笑詩文蘊藉如其人

河間道上

城郭蒼茫日正斜長堤草色亂烟華垂鞭不動輕蹄疾少婦
歸鞍繫杏花

晚霽至白竹灣觀梅偶題

老梅生空山一物無所與得地惟有竹得天惟有雨雨後竹
間梅花開白如許斜陽獨對時無言竟歸去

寄懷王景聞

節物愁人思渺然
倏驚分袂兩經年
花如佳客畱難住
柳似衰年困即眠
芳草屢尋攜手處
月波空泛曲闌前
知君自有家園樂
未必馳懷到鄭璠

王又曾

字受銘號穀原秀水人乾隆甲戌進士官刑部主事著丁辛老屋集

烏亭詩話穀原夢綠詩云把袖驚看清淚新酒闌香燼
借關人春如華表歸來鶴我足是足明劫後塵絳蠟燈前
尋舊夢紫桐花下說殘春一彈指頃三生事只未消磨
見在身末二句大有解悟其自注云壬子初夏宿綠簾
莊夢一道士白稱曰松居士贈余句云攜君入塵愛君
才畧話三生庚信哀緒上小軒題夢綠那年春盡見君
來忽忽六年矣偶憶前塵感而賦此
舊門詩話王穀原又曾以畫橋脫屐低新漲酒旆懸風
濤舊題瑞鶴鴛鴦酒瑞鵲紅闌掩慢才通燕中婦條桑
寒食路柳邊蠶桑酒瑞鵲紅闌掩慢才通燕中婦條桑
盡養蠶等句見稱時宰近日錢謙石載待郎剛訂其稿
畢秋帆制府序之謂其詞居然釋石齋中詩也中有送
人入蜀云冰絲續續且休彈其奈尊前蜀道難明日酒
醒君已去秋風殘樹秣陵寒因是庵前白秋海棠云雙樹
慈門色是空牆陰薺翠澹秋叢佛燈半滅一聲語月冷

霜清開曉風畢制府所謂取材于衆所不及見
用意於前所未及發者信然詩名丁辛老屋集

棄釵歎

貧家生女妖嬈態雲鬢雖殊缺簪戴鍊銅作釵插髻心比似
黃金一般愛一朝身入羅綺叢寶帳捧出紅芙蓉量珠買笑
歡未足口日粧梳換新目鳳頭龍角矜時宜問著銅釵渾不
知人情美惡空顛倒銅釵未變花容老

題諸草廬宮贊高松對照圖

尚書宅有松不知種何年其顛巢白鶴其根漱流泉蒼然脫
皮骨此心長歲寒先生青松姿澹爾世味刪愛樹屋亦好孤
松共盤桓冷拂松影坐靜對松風言浩浩真性出疎疎清韻
翻始覺眼耳外別有知音存蘭桂亦自佳姑作餘子論

翁家山

數里踏龜背沿流倏已緬躡蹬躋深竹不知前路轉巖巖指
村煙高下帖懸棧雲根幾株松籬落一聲犬山深征稅薄時
平虎豹善盡脫弓弩衣驅兒服溝畝何時買耕犢負鋤足雙
繭蝸廬便可安茅茨不煩翦

蟬

獨坐有風地高吟無暑天斜陽江浦雨疎樹郭門煙薄鬢秋
難掠單衣冷奪鮮園蕪應不難併與客心煎

漱玉亭

巨靈劈大斧山鬼吹陰風青天走霹靂白日飛蛟龍嵒鐘甕
廣野珠琲噴長空餘姿映丹壑細響洩寒猗萬折到平地怒
挾江流東夢遊出仿像瀟灑鮫人宮何時叩雲扃千載從陶
公結巢雲松頂高枕香爐中

三峽橋

吾聞三峽橋萬古此急湑惟天設奇觀水石塵一闕高春南
斗傍迴落大江右雷霆驟嵯峨鉛汞洩坑竇陰寒藏鬼神險
疾竄隄狹雲外午鐘孤松根老僧瘦邇眩霜雪翻遠愜笙竿
奏決若鳥脫籠迅於箭離殼便當入棲賢憩翫百昏聾驅鶴
下潺湲先令毛羽激

暮投靈巖宿

落日搖雲峯參錯難具數望煙誤投止石氣幻如縷一綫蛇
逕蟠收身虬餘舞草深脚屢絆巖寒面成堵雙崖斗呀豁闢
入太莽鹵居然到上頭舉手撼天柱天柱玉女雙鸞卓筆重
十餘峯俱在寺左右
防厚軸翻窄礙雙丸吐一峯肖一狀狡獪類鑿斧想像巨靈
洗血指盡寸土所歷豈不高惕息窪井處諸天黑崢嶸衆星

白三五雲中吠無犬風外嘯有虎縹緲孤仙靈沈冥契禪侶
曳被佛燈昏聽泉暗驚雨

憩東林寺三笑堂用壁間陽明先生從東林登山石刻

詩韻

招手爐峯踏瑤草霜葉一株兩株好虎谿橋畔一笑迎秋與
住山僧共老飯鐘未動曙猿哀朱扉黯黯林間開蓮花漏斷
不知午且看十八高賢來遠公影堂重回首潦倒淵明一杯
酒抗懷彌覺范甯賢仲思道祖俱骨朽茗話蕭然立薜庭身
隨旅雁渡江汀汲泉洗眼玩山色比似龍眠畫更青

蔡書升

字漢翔號蕙田德清人乾隆甲戌進士著蕙田詩鈔

回門曲

湖俗凡娶婦家一月後卽與壻歸寧其女謂之回門

相率在清明前小船打包戴繖而過者皆是也士夫
家閒用鼓樂盡舫然不如村落之近古云

前村二女年各芳花花相對葉相當新婦到門甫一月蘭皋
深鎖雙鴛鴦昨宵阿母言時節將春分新婦回門阿男伴青
幃布幃隨紅袞阿男語新婦努力起高春時世重梳粧膏沐
須爲容捉雞縛鴨釣河鯉新畫花船搖順水湖俗升塗其舟謂之花船丈
人門前已挂紅瑣瑣儀文學城市自昔扶孃牀每厭嫂遲起
今問姑何如含羞整釵子水禽拍拍飛春田纔過花朝又禁
煙阿婆相待護蠶種耶若辭歸妾並肩兔雌雄脚撲速不願
兩頭結花燭但願來是孃家去是屋愛婿入門亦許弄花燭同臥寢謂之兩頭花燭
來是孃家去是屋裏亦諺語也

狗葬行

距杭城二十里許有小村落名曰狗葬相傳爲秦檜
葬處偶作此以當談往

龍飛鳳舞舊錢唐西湖碧血千年藏祇今羅刹磯頭水潮汝
猶疑哭鄂王當年長脚亦竟死也把殘膏埋宋址五國荒城
新鬼啾丞相高墳蝨地起白草青燐幾度春父老猶傳狗葬
名繆醜未必果葬此聊復快意誰能更吁嗟乎崔君廟前渡
泥馬狗獨甘心出其下君不見漢皇之狗真韓盧楚猴秦鹿
無逃遁以槍擬狗狗則那狗兮狗兮將毋汚

梅花嶺懷古

元戎纔建嶽南望陣雲高局上爭殘劫韓中置佩刀杜鵑春
自興江水夜還驚碧血知何處荒原滿野蒿

李昌昆

字重以一字原川鄞人乾隆甲戌進士官鹽江知府著隴川集

西廬雜識臨江爲人脫畧自喜時時苦吟屢改而後脫
 葉非苟作也晚景頽然無可與語時閉門獨坐或踈躅
 街衢予偶與范君莪亭過之知其寡
 徒然不樂也詩藁散失爲之慨然
 戴騷曰太守爲先君甲子同年余入水曹太守尙爲主
 事性耽吟咏每于車中得句隨尾疾書隨手散去曾一
 夕疊灘官韻成十餘首其豪可想嗣受知阿文成公從
 勛水利方得遷秩保滿出守終以好吟廢事去官今讀
 其詩猶想見歐梅得
 意旁若無人初成進士授工部主事累遷至郎中出
 知臨江府至按治大猾賊人痛懲習役之作奸者郡
 學卑隘下地以遷作講堂其旁朔望集士緝課新淦有
 沙湖歲溢侵田頗湖失耕已數十年昌昱節縮公費爲
 築堤不濟捐已貲屬吏固其成之凡數百丈民得復業
 士民滿就講堂立石紀績及建祠隄上皆不許性坦率
 不能承上官指十年不遷屬縣民殺人取財有牧牛兒
 從草間窺見之令匿不報昌昱廉得實捕至一訊而服
 大吏庇令屬昌昱寢其事不可激他郡守會鞠他郡守
 銀牧牛兒數日脅使易辭及質辭如初未幾殺人者斃
 獄而昌昱竟以失入被劾去里居常傲
 衣履行市上見者莫知其故二千石也

歲暮三詩次東坡韻

歲晏結綢繆往來互相佐日月不我與一諾許陽貨天運有
循環交際無小大如何山中人偃蹇獨高臥熱客如凍蠅避
寒莫在座有時挾浮雲直闕蟻走磨却顧東海頭忽忽元冥
過此意人未知誰爲達者和

餽歲

雞鳴日以早歲序日已遲任汝別我去我亦無心追我思在
何許遠在海之涯昔年當此節會是歡晏時瘦影越中來秦
人以爲肥豈無同心友漠漠重雲悲蹉跎少暇日感激多危
辭縛鏡置高閣不照鬢毛衰

別歲

今年赴明年有似鼓鼙蛇神行不無跡去轍誰能遮白來况
如此那用喚奈何且逐今年歡勿喚兒童譁臘酒細細斟隣
鼓頻頻過可但歲華竟兼是暮景斜修名愧寂寞良夜忽蹉
跎所信貧益堅頭白猶堪誇

守歲

秋蝶

栩栩園中蝶
翩翩濠上莊
西風吹不醒
塵夢一何長
度葉驚新隕
穿花失故香
同時鶯燕盡
獨舞不成狂

送邱至山歸里

客子將行春已催
故園猶有未殘梅
東風自送飛鷺上
落日空邀倦鳥回
勾留波濤吹海國
光溪雲壑接天台
知君最愛雙山曲
舊雨重尋破綠苔

范衡洲屬題賀湖亭圖

水屋依然面面開
更無人踏舊蒼苔
江湖浩蕩知魚樂
池館蕭閒有鶴猜
五十年華行老矣
東南風景信佳哉
聞君欲住幾時住
可待宵行鐘漏催

施學

韓字禮齋號石泉仁和諸生
安子著南湖草堂詩集

杭州府志文苑傳學韓善讀父書於詞賦維
文無所不工屢踏省門輒報罷竟以此天

淨慈寺納涼

層層樹影寺門斜一徑沿緣到法華引我清涼有修竹助人
歡喜是荷花團蒲幾處從僧乞野鷺何心入夢賒爲問南屏
功德水鯽魚今在釣師家

皋亭山看梅

春風扇花氣香我身上衣我裏似冰雪來叩花間扉疎枝掠
魚艇清影罨苔磯時聞仙犬吠不見野人歸青山隱白雲冷
露滴翠微前村列酒帘一望烟霏霏

凍菽乳

食豆食其乳其味真不俗又須風雪天寒劇凍成玉屑氣盡
滌除烹煎隨所欲朝來城市遊一笑紛滿目物輕價亦廉但

覺水淋漓人家弋此利戎菽貯幾斛破曉犯嚴寒旋磨聲轂
轆荒街十字斜茅店一燈獨乍看魚眼沸有若馬酒熟撇缸
鹵汁重壓囊泡漿足笑比女兒膚柔軟新沐浴淮南真仙儒
饌法傳實錄至今服玉方可以養儉腹呼僮攜筠籃買取往
來連恰好當暮冬天花已飛六同雲頑不流預結一冷局施
生粲然嘖謂真吾口腹解事有廚娘檐端露幾宿不愁風裂
開正要冰雕琢晶晶凝光晶層層起紋縠堆案儼方珪觸手
如利鏃悅口自清腴佐饌妙芬馥凍痕若蜂窠真味勝臠肉
清可配桂醅甘爲薦杏酪因思和羹手古今難更僕所貴得
其時最忌趨炎煥物性苟未諳終自傷覆餗書生進一餐猶
爲歲寒祝

題丁大健吳門詩卷後

丁生庾鮑之匹儔囊中好句清且適飽飫經籍餓不死昨年
又刺吳江舟雞羣鷺食苦相軋蝸爭蟻戰恣勿休造物予我
憂患境九陌不得騁驂駟酒酣吐盡胸中墨一洗今古無邊
愁有時恂恂不能語貧女三十養嬌羞易占亢龍須有悔吾
道當以剛濟柔甚欲爲君刷羽翮飄然上與羣仙遊

後洋草堂賦送方三

塘

之松江袁大

知

之京師

吳江一棹月燕樹萬山雲二子遠行役飄然自不羣
清詞洗秋雪健筆燦龍文莫笑予荒顛閒居田典墳

春星草堂小酌

門巷少人跡秋光向晚澄快寒重命酒話舊共挑燈
小酌養黃菊清霜臥古藤夜闌還待月簾影碧層層

題語集

阿師瘦到骨世外屏紛擾擁鼻作苦吟頗不入時調巖癯參
臞禪烟蘿寫詩貌卅年南屏居有若隱霧豹自適山水性紅
塵夢不到左花右竹間靜乃契道妙咄咄驚人句力能探蘊
奧俗衲工效顰俗眼無醜好嗤彼頑石頑亦識點頭笑

雲間使院怪松歌

何人鞭起甲蟲長化成鐵幹高一丈鬼斧斲斷已千年枯枝
時有白雲養蒼鱗片片飛空冥怒髯乙乙恣排盪窮冬日瘦
草木死是公獨出矜無兩盤旋或與風雨戰聲落千山萬山
響嗚呼人生得意會有時樊桐定遇知音賞攀枝附葉亦何
爲如鷹在韝魚在網世間是處皆女蘿爭時誰作歲寒想須
知傲骨本天性雷霆呵護避精爽劫塵歷盡不同頭此老無
乃太倔強客中誰與伴孤清天遣星精供偃仰月光昨夜挂

西江月 車馬金 卷三十一
枝頭溶溶翠滴仙人掌門外猶多抱節君清風暇日來相訪
石門道中

漁唱依稀過野塘炊烟四起入蒼茫一枝柔櫓水天闊滿港
蘆花客夢長何處孤村無好酒却畱明月送還鄉明朝小泊
臨平路渴就山泉細細嘗

訪吳西林先生

連朝天氣暖風物淨無塵溪水初消凍梅花已欲春閒攜桑
葉酒來訪草堂人寂寂林塘路君真舊隱淪

泉亭梅花同張五

樞

幾叢枯木抱沙洲清絕無人載酒游多少冷雲眠不起春光
只在樹梢頭

酒樓題壁

沿堤草色漲晴烟盡出江南二月天千點桃花萬條柳春風
斜日酒樓前

松靄山房納涼

破鏡同拏出郭船沿緣小憩寺門前綠陰滿地不知暑涼氣
中人渾欲眠茶果得參方外味鐘魚重結靜中緣十年熟識
山僧面豈愧當時玉局仙

宿松靄山房

借得山僧榻冷然睡味閒關心是修竹合眼卽青山轉覺生
衣薄同沾涼露還竟忘城市熱顛倒客真頑
共說山房好山房多竹風疎狂中酒後詩句閉門中茗椀僧
伽俱棕屨爾我同明朝恣游戲濯足澗溪東

由金家堰步至崇先寺

小泊梅花渡口船芒鞋直到寺門前人行隔岸水田裏詩在
過橋籬落邊冰雪自添清瘦影林亭重結去來緣山僧爲我
修茶事雪梳教烹第幾泉

詠菜同張大振采

江郎食葉最堪哀苦況宜爲世所猜貪嗜雞豚真俗物飽餐
霜露亦清才雕胡玉糝都無取鳳脯鸞胎儘可裁衡岳山頭
分芋火十年宰相此中來

年年嗤笑肉人肥肯喫寒蔬尚可醫風味苦無時輩實尋常
只有老僧知不愁錯寫醵醵字最好清吟玉薯詩難得圃師
勤課業晚菘早韭總相宜

歲寒風物劇清嚴蠲蕒霜根味更甜貧笑庾郎真格物嗜同
玉局豈傷廉黑餅計日家家蓄鹽鼓隨人續續添若得荒山

分半畝與君何惜自腰鎌

和張大

振采

皋亭看花之作

我愛皋亭山下路人家處處傍桑田溪聲不斷隔林雨花影
亂欹何處船芳草閉門曾有句流鶯勸酒豈無絲與君檢點
江南景袖得春風喜欲顛

陳大

炯

居南湖以詩招予爲鄰仍用來韻答之

君家於南湖曠焉闢安宅雞聲柴門曉燈影草堂夕六時只
讀書喜爲古人役好月修竹林涼陰置一席濁酒破寂寥高
談空往昔王粲願爲鄰此意與君析

消渴惟酒可閒居正要詩詩味如酒味苦吟乃得之又必居
勝地足以暢幽思南湖妙烟水移家知何時夫君竟先我三
載廬於茲短章重致意行矣夫何欺

鄭炎

原名源字清渠秀水諸生著雪杖山人詩集

顧列星跋雪杖山人詩集畧曰先生家本義門散處江湖先生又爲陳古民徵君女夫資性絕人讀書目數行下屢試不售廢于酒人其命也夫

次程曲齋集谷隱山房茶話韻

雨霽攜筇過白蓮一聲清磬了塵緣苦吟茶味高於酒默坐花香冷似禪心靜不嫌幡影動談深無礙月華偏山房竟作圖書府方外追隨二十年

贈荔枝山人

梅秀

荔枝山人蠅菊衣春深偶向雲中歸月華冷照瑤池席一甌蜜汁人間稀三冬脆梅酸且綠逡巡醺醺甘而肥金陵買來桃葉婢新淦續娶蓮花妃竹樓數間連石屋釣竿三尺湘江竹漁網挑取四角菱瓦罐澆開九秋竹雲中聞鶴知我來呼

童掃經梅花開黃金叵羅酒一杯微吟不似花枝催

古意

蘭不自言芳而爲王者香鏡不自言明含茲明月光美人生
山中不諳時世粧阿姊搗靈藥小妹織流黃雖屬同母生各
自言中腸

泊青山頭望三峽廟

不過河口鎮暮宿青山頭欲登三峽廟水急不可留丹霞嵌
翠竹密清韻流中有萬丈潭滅頂蛟龍涸終古無日月兩
啼猿猴飛柯如墮鞭倒石同懸疣老僧坐枯禪探手摩鰲
欲雨白雲起酷暑涼于秋三冬坐搖扇五月披羊裘空庭
落松卵碎玉鳴金溝可望不可登碧蘚明雙眸如遊三山島
風引尋仙舟側聞古人語有約愆羅浮青山亦不惡麥雲鋪

黃紬夜珠天東來旋轉飛銀毬兔脣帶微缺玉斧何曾修至
今獼猴癡永結青蛾愁

漂神灘曉行

晨投漂神灘東山銜旭曜射沙明星閃濺石亂珠跳鬱屈龍
委蛇坼裂龜灼焦上水行可遲衝風險難冒殘石猛于虎鄉
民半爲盜霧霧開晴空古樹下斑豹野鼠學拱立老鶴發咳
笑雲樯出重霄水繚沒雙轂行廚熟紅蓮遊目數白鷁浮萍
東西流短葑左右芼我志不在魚何須曲鉤釣前人大小灘
憂思同集蓼

玉山舟中

半輪桂魄江心寒蒼龍萬箇水際蟠何人天外倚長劍鋒鋟
刺雲青闌干綠花并乳翠欲滴中涵足練琉璃攤行人倒影

清見髮巨魚吐浪吞峯巒沙洲小鳥白翻雪猩猩一簇開紅
蘭同舟野駭雜漁估攪耳駛舌聲綿蠻楚南少人多亂石囚
對沐猴歆南冠胡爲山水秀如此臨風長嘯攀珠玕碧雞無
聲人賴發東方已光丹砂丸

河口鎮道中看山

大江洗高空山山靈不死一揮祖龍鞭走却九獅子

度梅嶺

造化開混沌九有結靈秀南荒勢雄壯箭括通一竇源泉傍
河瀉岑巒逼霄透孤陽中海浴雙月半空鬪羣峯極委蛇萬
國自延袤身交商周餘地闊秦漢後四遊混春秋二儀易夜
晝石脚踏閭闔雲根聳江右螺髻虎豹蹲玉葉牛馬走飛身
閭闔開側目濁陰縐始知地勢坤載物君德厚非出巨靈手

不此大結構炎也喜讀書一塵困株守今因省覲來泥行重
滿垢攀轅出馮翼迴旋繞積發直達最高頂四顧數煙岫拾
攘黛痕亂六幕烏雙鶯指點執途問樵牧容細叩獮祭較輿
圖一挂萬脫漏華峯聳處尊肯出等邱負諸嶼環兒孫傍膝
戲綵繡颯颯岸蝕羸蠱蠱沙行蟹市趨人肩摩衢舞車輻輳
約畧伏羲封方圖見剝姑髣髴魚復江八門羅甲冑又同會
稽會百辟拱元后何異唐虞祀陶甄雜乾豆畝青大圓失一
碧九垓洒雷從雪底翻花入玉中漱人行老樹巔鹿突筍輿
驟偃蓋蟠臥龍通臂引飛欽壁餘斧鑿痕苔封碑碣猶石角
挂古寺重關設險嵌天女雲中邀金石鸞鳳奏遊戲嚼紅玉
絳吐血羅袖至今梳粧臺巖巖山骨瘦五月梅傾筐子熟綠
陰茂行人坐長歎鷓鴣苦聲呖淚花點新紅滴滴燦燦奇

果五色豔捫枝摘星宿佳人採仙茅芳芬泛清酌迷離兔兒
茶臨風感三嗅其南產丹荔其北多橘柚霓霞不踰域小草
各分首九泥穴可封黃鵠不能逗一人勇當關萬夫前相授
所以老夫佗娛帝長沙寇後來諸小醜覬覦鼎相誘竊據天
一隅生民遭躡蹂人生各有命天本付之壽徒自貽天誅孽
作復誰救吾聞嶺之南瘴毒晝昏暈是名鬼門關十往九顛
蹄青草與黃茅穢氣亂香臭屋宇藏蟲蛇居民雜禽獸惟抱
忠孝心庶邀天福祐不見曲江祠遺像白石鏤我苟得生還
重來躡飛鷺

清遠峽

一灣凝碧甘香冽誰向西天剪取來

東坡謂此江甘冽無比
智藥云味似西天水

高瀑半爲雲隔斷萬山中被水分開環畱白玉猿歸洞龍聽

金經花繞臺媿我掀篷纔一望帆飛湍急走戴崑

黃泥灣登慈雲巖

玉芝千丈高突起平土中懸空雲一朵密繡花叢叢小殿嵌
石竇九曲珠玲瓏俯檻指西北海日沈深紅遠岫萬竹筍近
峯千芙蓉我來一登眺脫景開青葱律元破旅愁摩盪乘高
風仙霞裏袖冷甘露垂枝濃鑿梯造絕頂疑與青坡通

冬日東張吳二丈

鯉魚風急吹大海芙蓉花開顏色改行雲昏黃日月白天地
有意藏精彩十年不著蘇季裘碧花繡澀龍光愁張帆欲訪
公子靴洗眼未識今番候閨侯季札人所羨水阻雙山惜相
見一篇折贈當江梅願託春風窺半面春風得意會有時烏
桿之釀盈綠卮請開三徑酌同醜揚眉一吐胸中奇

下十八灘阻風

上灘灘急如御龍下灘灘湍如御風中流擊節發長嘯迴風
捲浪騰蛟宮一條銀帶百千折下視水底攢千峯維舟古岸
老檣下錚鏦澎湃鳴歌鐘馮夷戲謔颶風怒跳珠錯落漂雙
篷正心侍坐看經史閃爍射目雷鞭紅

題松鷹

視天側腦孤光動跋地成龍偃蓋寒知爾經營心獨苦滿堂
嗟歎色爲難黑垂風雨濤聲壯玉立雲霄眼界寬已據徂徠
橫日幹鵬雛休傍碧城搏

汪會裕

字德符號雲溪烏程貢生官中書

吳興詩話雲溪幼而穎異工吟配金安人順
閏中時有唱酬官京師抱病歸卒年二十四

荻港

一篙新水綠波微痕漲當時舊釣磯得氣渚蘆青到岸含情
隄柳翠侵衣乍聞杏酪吹香遠恰好鱸魚上市肥莫待空江
紅葉下藕花零落荻花飛

吳興竹枝詞

織得三梭到五梭絡絲打線手工多勸郎休要隨常著一寸
心機一寸羅

溫禮存

字用耕號雪汀烏程諸生著雪汀殘稿

吳興行西興道中

倡仄臨輿觸暑回迢迢古驛望中開山雲著樹忽飛去野蝶
撲衣時一來板屋人家籬插椴江鄉亭子石生苔風塵大有
清閒興挂額真教詩思催

題鍾山小隱呈王君志宣

物外慙疎趣高人此暫留豆花消暮暑荷氣入清秋山骨壓
苔老書聲到水幽欄川堪作畫薄俗更何求
通臺高敞處雅意與誰論熱客少入座先生自應門風牀閒
試茗雲壑細傾樽蘭茁有諸子終朝味道言

柯山六咏

卷四

山陰柯亭中郎識笛處也折而入爲柯山洞壑幽邃
世鮮知者春遊及此各紀一首

幽峯自奔峭松筠蔭清樾殘陽澹欲收歸鳥飛將沒三五星
在東舉頭清心骨石屋古佛光長射寒潭月

星巖
釣月

險戶空際懸幽光岩下矸石逗無根雲天逼太古色鬼斧判

厓屐登臨須羽翼一竅漏陽烏樹杪泉正滴

線天
孤照

潄泓百丈潭峽劈雲雷通神泉湧絕壑白晝波濛濛崕呀斷

地脈竊泄穿鮫宮誰攜王軫調臨流起蟄龍龍潭琴韻

絲菸風蕭蕭山頭散珠濺檀欒影倒披滴瀝目交眩飛泉界

千尋急雨迸一線南山暮霞烘新篁共葱蒨竹林觀瀑

沈棠臣字持謙號愛虛歸安貢生著愛虛詩鈔

吳興詩話愛虛以子榮嘉受封中憲大夫福建糧道積學未第著竹溪筆談吳興詩話續羣輔錄

題戴履塘水部略皇華集

官稱水部例能詩一卷皇華絕妙詞三世南宮推著作十年

東窗滯曹司懸衡文燦光明錦謁嶽祥徵五綵旗雅意搜羅

宵不寐盈庭桃李盡瓊枝

王豫字立甫號孔堂山人長興人著孔堂詩文集

吳興詩話立甫諸生有詩名因人牽連繫刑部獄釋回近見湯紳堂炙硯題讀其若溪絕句之二云云詩本

三十六首可備長興掌故

采若編山人聰明強記嗜學好奇不屑

事家人生產棄制舉業專治詩古文

陳焯曰立甫為姚世銓

妹瑀全祖望為撰壩志

題編修沈丈碧浪泛舫圖

吾鄉富山水清絕城南道出郭僅一里舉目羅窾妙四面煙
樓列中間明鏡照須以船為家領畧庶稍稍當時十五賢愛
此稱高蹈爾來空蕭瑟誰與解戀繆居處惟白足出沒但黃
帽多少腰金翁錄錄何由到

沈

容

字岐生號愚
谷長興諸生

贈松雲庵僧

六時消息定中禪本色何須文字禪松吹滿山雲滿徑一聲

清磬一爐煙

陳景淳

字東高號東皋長興人初
州府學諸生著東若集

呈丁午山先生

久謝華簪賦遂初
簪冠芒屨世緣疎
自歸陶令柴桑宅
好補天隨笠澤書
羅雀間門長却軌
杖鳩徐步當安車
過從南浦亭西路
蘆雪菰煙盡不如

亭故址陸匪西先生別墅在焉

徐玉樞

字方穀號臨臬德清人湖州府學貢生著小蓺香館集春樹齋吟稿

陳焯傳畧曰先生倚寓臨平館吾郡汪氏生平篤於孝友樂善擇交刻厲讀書才名藉甚屢置棘闈以成均終

士論惜之

送友人之湖州

吳興山水窟雲樹入蒼茫
層浪涵浮玉羣峯擁道場
無家不放棹有岸盡垂楊
酒愛烏程美君行且舉觴

歸雲庵

松篁滴寒翠
猿鶴矢清音
瓢挂吟壇靜
雲歸禪榻陰
羣山衡

落照孤塚弔空林處士高千古臨風動客心

羅世芳

字蒼山號寶培會稽人乾隆丙辰進士由庶吉士改安邑知縣善學易新詩棄

越風蒼山爲武鼎元淇幼子負才游俠以少年館選尋改邑令鬱鬱以歿

華陰廟

三峯崢嶸蔚蒼蒼款段青衫到上方樹老藤蘿忘歲月碑深
苔蘚憶蕭梁欲尋蘭若三生諦且息征鞍半日忙坐聽松風
吹萬壑滿山空翠襲衣裳

鄂城江樓

經年作客此登樓澤國雲蒸一望收月滿珠浮滄海蚌霜酣
葉落洞庭秋江連雉堞開雄鎮烟鎖帆檣控上遊坐看晴川
猶歷歷風波無際動人愁

夜泛湘江

黃陵秋葉落明月見湘靈深夜聞瑤瑟清音滿洞庭

游九井

盤盤磴道鎖烟霞走上孤亭石徑斜扶杖不知歸路晚滿山

黃霧落松花

史積琦

字德璋號栗齋會稽人乾隆丙辰進士由編修改官河南道監察御史著栗齋詩存

越風山辰之歲吾郡領館職者六人曾賦六石咏紀登
藏盛事栗齋年最少簪筆之餘兼通治畧其在臺垣頗
有風力庚午卒于官余在京以詩哭之云馳馬西臺成
結局梨花左掖詎同看至今宰木已拱檢其遺藁尙有
哀餘

薊門行

燕關北控樓煩道一望平原沙浩浩夜來笳鼓不聞聲秋風
吹白漁陽艸關頭年少喜俠游酒酣興却千金裘溇沱落月
桑乾水匹馬相逢古薊州

送友

玉河楊柳絲堪結，長爲行人贈離別。
春半來看薊苑花，夢中飛墮燕山雪。
君今歸臥滄江濱，何年復踐京華塵。
一片黃金臺上月，清光還待舊時人。

鄒

麟字雨峯號愚谷餘姚人乾隆丁巳進士官後總知州

姚江詩存愚谷先生刻意爲詩佳句有中晚風味如漸曉霜明葉初晴日上樓確聲滿屋春明月門影無人對遠山歸月有聲霜後葉濕衣無影嶺頭雲春到恨無栽柳地病中偏有讀書心皆饒有風韻

舟次橫河步至澹竹寺

斷岸停舟上松花落滿身，磬聲隨去路山勢恐生人。
雲薄雙扉迴春深萬竹新，畱題紀踪跡落日更逡巡。

陪金丈淵家叔尙蘇大新鉞諸大先庚至斷山南樓分

賦

清興全憑趣曉涼聯吟又入水雲鄉經行是處堪深坐到此
何人更百忙江雨壓來松影倒山風吹落鳥聲長蒲團睡起
新泉熟六月疎窗古雪香

吳嗣富

字鄭公號崑田錢塘人乾隆己未進士官編修任
湖南廣東陝甘學政戊申預行己酉正科重宴鹿

鳴著玉

壺齋集

祁連積雪

玉龍自西來崢嶸卓萬古頭如繭蝨編鱗若之而豎倚雲光
的的曜日色楚楚問是祁連山山名肇漢武曉出涼州道盤
馬得快觀寒芒四面來冷豔一團聚極目天外峰晶瑩不可
數是時方夏季六合正酷暑勞勞執策者忽到清虛府風從
兩腋生泠泠日破午百里復千里厭觀憑仰俯頗聞黃黑番
內有藏春塢寒藉馬通薰飢將羊川者金牌許市茶繁縷多

畜牯老作雪巢翁半是伊吾部蛙鳴亦有池蓮開亦有渚絕
巖闕重陰生意誰爲主嘆息造物奇於焉築瑤圃

雪後集紅泉館用東坡聚星堂韻

凝雲忽破分如葉此夕適來當霽雪主人蒙宕草堂幽更逢
上客成三絕風尖最愛簾押垂冰重何嫌屐齒折紅爐圍坐
煖氣蘇明燭隔窗清影滅競呵凍筆寫高吟毫端十丈金蛇
掣以詩下酒酒復清不覺醅醕眼雙纈汝南人去峨眉遠繞
堦還對罪罪肩長辰盛事耐追尋何人過眼同飄瞥高會欣
陪此日遊勝情記取他年說矯首庭前百尺松橫空老幹蟠
寒鐵

閩人棠

字梓思號南懷山陰人乾隆已未進士官凌雲知縣

閒居漫興

倦羽天南返故林一枝踪跡寄蕭森江山不盡登臨趣事業
空餘夢寐心壯歲名場猶泛泛老年情緒獨惓惓已無新雨
來蓬戶却有啼鶯在樹陰
不須對鏡問妍媸坦率襟懷只自怡出郭船當新霽後倚樓
山愛夕陽時淡中得味閒方覺冷處關情老漸知機事已忘
心不競眼前雲物本無私

周宸望

字閻谷號暢鶴錢塘諸生
京子著欣託書齋詩鈔

新秋

一〇西風枕簟秋嫩涼池館雨初收蘆簾入夜寒生幕竹戶
無人月上鉤爽氣先從襟袖覺年華還逐逝波流思量身外
無餘事獨把綸竿拂釣舟

沈

潛

字心韶號曉山仁
和人著曉山詩草

汪沅晴山詩草序畧曰先生絕意榮利是不入城市凡
人世菴枯得失之境舉無足撓其意念暇乃寄情聲詩
典到卽吟老屋數椽饒藝不繼哦詩自若每當風日
清美則一筇雙屐旗亭寺壁及山水佳處畱題殆徧
耕牛歌

四蹄蹇縮雙角彎力倦筋枯誰爾憐肩皮穿蝕瘦骨立羸老
還將賣得錢敲醵泥途但垂首麻繩早落庖人手牛病當烹
何足論終能不負主人恩亦願主人自愛惜不須辛苦爲兒
孫

蠶婦詞

屋角交交桑扈啼牆頭桑葉雨中肥連朝風日清且美蠶子
初生一髮微憶昨迎神親拜禱紫姑曾許春蠶好若得生成
過十分今年要製紅裙襖亂頭粗服不成粧東家西家日夜
忙晝夜隄防蟲與鼠蠶老還愁天欲雨南風吹落棟花香線

車幾處聞悠揚絲成織作須及早門前水滿將移稻聞說
詔免明年租今年官稅慎勿違

寄蔡效青

只隔雲峰百尺天詩筒何事絕經年夢長能過前溪水暑退
還尋沙港船坐享煙霞真要福來分泉石恐無緣知君款客
非無具十畝初牧種秫田

攬鏡

攬鏡猶然未白頭自甘淪落又誰尤貧因愛懶非關命瘦爲
耽詩不是愁妄念盡教歸鹿夢俗人判與割鴻溝近來只解
關門坐欲去看花且復休

春盡

布襪繩鞋嬾出游等閒春逐電光流晚風池館楊花急斜日

樓臺燕子愁無數香車歸院落幾多白髮上人頭殷勤洗盡
重斟酒或欸東皇爲小留

盧

同字又川東陽諸生遷

金華詩錄又川父字浩亭以醫活人無算又川繼之風
有遠志好古讀書而以浩亭名來受方藥者門庭輳集
如市無不奇驗遇貧資以參朮愈而後止不計酬也
乾隆庚寅其長子潮生舉解元人以爲積德之報又川
究心書史著述甚多有周易觀象十卷圖說三卷

納涼

竹色嬾娟一徑幽水邊亭子架松楸晚來幾點廉纖雨已有

涼蟬叫上頭

施

謙字自南號蘭陀海寧
諸生著函青閣詩

寄巢爲蕉浦賦

三載歸田雨似虛巢巢經那復向空虛詩情少似西臺案家具

多於東野車諫草至今傳直筆名山自此有藏書會心觸處
能齊物新注蟲魚學寄居

蓬萊住近喜投閒懶似嵇康儘可攀學佛已先同榜鈍得仙
難似箇人頑偶然自謂羲皇上人矣臣居旅讓問解道此生
能少耳夢魂何意點朝班

牛山道中

徬徨倚檻亂鴉邊紗帽籠頭望遠天柔櫓聲移一行雁斷烟
絲雨兩來船榜人爭乞漁村火關吏橫征估客錢藤杖青鞋
歸去好故園風景又殘年

楊觀誠

字微叔一字平軒海寧監生中說子著漫興諸集

西郊看桃花

紅雲一片春無涯約伴竟到仙人家芳菲玉洞一萬樹東風

習習青旗斜瓊田瑤圃互掩映放眼凌亂天台霞清溪曲折
屢回阻未許引入人間艇休論漁子不識路但悲秦客還迷
花眼明步緩人映面天晴日暖蜂排衙三千年來一結子更
僕難數恒河沙會須哆口破紅玉洪崖拍手東方誇

范鶴年

字雪軒海寧人著曉齋樓詩鈔

朱文藻曰雪軒爲杭董浦先生門人先生罷官歸修海寧志雪軒同預其事遺詩一冊藏杭氏惜閱錄之

除夕作

照耗一燈微吟詩送歲歸親朋催宿負兒女索新衣身病流
光駛家貧樂事稀百端交五夜天遣覺前非

去歲當茲夕還浮漢水樣遊踪天外烏世事夢中花暖入春
暉永歡爭暮景斜椒觴辭歲後一倍惜年華

戊辰盛夏米價騰貴民情洶洶懼不及秋子發所藏米

減價平糶而力有不繼作此詩以示同志

社霖腐菽麥哀此民食艱粟貴倍往價百錢謀一餐富者有
餘積貧者虛炊烟飽食視人饑豈曰心所安涓埃澤廣厚爲
惠亦殊偏矧時屆盛夏禾黍青在田秋成尙云遠溝壑那得
延流瀝成江湖壤積成邱山作詩告同志我意深拳拳

飢民投袂起請貸向巨室厥勢日蔓延洵洵正未畢卓哉陳
太史平值議賑卹未雨蚤綢繆困廩傾所出施惠貴當可仁
聲溢蓬蒿同志亦有人贊者十無一空城近萬家鳩形鵠難
悉樹德與樹怨爲計誰得失衆力足移山救荒豈無術

春分後三日招同周穆門厲樊榭施蘭垞諸前輩暨董
浦夫子泛湖分得西字

湖光雨後滌玻瓈載酒尋詩手共攜齊景乍開山亦笑晚晴

未卜鳥空啼碧桃香裏春過半白鷺灘前漲欲齊行樂倍貪
風日好未妨沈醉六橋西

鍾吉士千仞鳳翔改令東明

新除大邑古河濱東明有黃河故道舊是花軋視草臣薄祿不辭緣

母老清名自愛任家貧烟開城俯黎陽樹水落沙高瓠子津

天祿校書殊寂寞郎官民社日相親

薛芝字秀三號鳳岡仁和人乾隆乙丑進士改庶吉士著檢餘詩草

朱彭曰鳳岡少孤與兄同事寡母能盡孝養總角受書歷寒暑不輟成進士未散館以疾卒于京師戴璐曰乙丑三甲一名章愷嘉善人二名薛芝仁和人皆館選三名姚成烈四名沈榮昌皆以不得館選為憾乃章薛未散館而歿姚官大京伯沈官監司卒皆七十外若章薛二公莫有知其姓名可慨也

儀邑城南晚步

客懷每倦遊城闔聊散步秋晚氣逾清炊烟靄欲暮敗荷冷

方塘叢葦夾廣路微風忽吹衣纖月宛在樹荒野正徘徊寒
鴉落無數

寓揚州準提禪寺

未緣小隱在牆東暫宿招提興不同衣染佛香風過後庭搖
槐影月明中詩箋茗碗供清味鐘韻經聲悟靜功半夜聞雞
眠不着蕭蕭落葉打簾櫳

姚成烈

字申甫號雲岫又號西溪錢塘人
乾隆乙丑進士歷官禮部尚書

己亥元日卽事

巡春梅嶺來荏苒已八載舊事去騰騰新知屢更代粵中時
有秋倉箱感天資元正氣象佳物華紛可愛僚友共趨分靖
其資翼戴愧我乏寸長久未知引退敢忘在山清永言芳草
佩努力蒼春光時哉思茂荆

梁敦書

字幼福號冲泉晚號鐵幢錢塘人文莊公次子乾隆丁卯順天舉人恩蔭員外歷官工部右侍郎

逢壺朝旭爲湯少光祿

先甲

賦文石

我公等身富著述書法恰與光祿匹餘事風流水石間到處
搜羅不失一文旌近自思唐歸攜石滿篋生光輝過從主與
客成二冰簟清異爐烟罪或如江上漁磯濺剩有垂綸蒞一
片或如峽內錢堂開何處尋詩人對面其餘衆美難具陳就
中一石何玢幽海天一色白晶漾絕壁拔起凌蒼旻青黛縹
糊溼欲瀉紅雲繚繞光紛射我疑火炎昆山巔又擬夢遊赤
壁下公言此是蓬壺尊初升朝旭蒸天闔小山旁列附庸耳
餘霞例映扶桑瞰始皇求仙徒浪好博望乘槎恐虛蹈壺中
九華昔縱傳海上三山茲可到千態萬象徑寸中一覽腸谷
馮夷東縮地有術縮本畫蛟龍潛伏雲氣通是時庚暑方揮

兩浙輞軒錄

卷二十七

婦房系 錄

美

汗嵐氣波光動几案清絕茶甌又酒甌衣裏生寒忘日旰前
年曾作萬勝遊題品自謂窮巖幽今來觀止氣已懾砭砭詎
與球琳儔公將旋京致使命敦也瓜期備朝請問字還當借
異書玩石時從養本性

宿居庸關

長路崎嶇緩緩行當關聲勢更崢嶸兩山夾峙成天險一水
中分畫地形遙護北門呈疊翠近連西晉鬱陽城夜深殘月
猶相照凜冽餘寒未覺春

鍾麟書

字學洙號觀齋海寧人乾隆丁卯
舉人官僉南知縣著掃葉齋詩鈔

六月廿八日抵家

家園一別十餘年悵望慈幃泪湧泉同輩弟兄驚禿髮舊時
童穉訝齊肩室無婦嘆歸仍客囊之錢看官亦仙迴首紅塵

眞大夢從今只合去逃禪

徐以震

字省若號南墅德清人乾隆丁卯舉人歷官刑部郎中著南墅小稿

中秋夕同茅湘客錢蕤石兩先生飲陶尊齋中分賦

秋氣中宵判吟情小院深細嘗邀月酒不負看山心翠竹風微爽絺衣露漸侵虛廊安筆硯靜極卽幽林

吳嗣范

字希文號篁谷錢塘人嗣富弟乾隆庚午舉人官景寧教諭著自怡集

春日偕桂一丁柳潔夫金虛谷登吳山

消盡輕寒雨復晴無邊光景望中生花迎舞蝶參差影柳拂啼鶯斷續聲踏遍青山春有態醉殘紅日酒多情吾儕不是林泉客文教由來有令名

過磨石嶺呈諸同學次邵二晴牧韻

離綏寧百餘里

雨餘風細淨無塵曲磴盤旋送夕曛紅樹遠從峰頂立清谿

兩浙輶軒錄

卷二十七

徐以震吳嗣范

三

多向峽邊分遂巡草屨踰危石
變黠藍輿入暮雲獨有會心
人領得蜀箋瑤句盡鴻文

楓門嶺次家六兄韻

嶺跨綏寧城步二縣

丹楓無復擁荆門一綫羊腸望欲昏
野水分流穿石壁寒雲環繞吐山根
攀蘿直作天邊客入夜還驚夢裏魂
有鳥高飛飛不到南荒絕險合推尊

次六兄重九日肅州曉發

一輪纔掛海門東候吏催程太遽匆
野菊迎人還憶酒征鞍落帽不因風
幾灣淺水名猶黑數點空山號是紅
州城外有山名紅山笑我勞勞成底事榮枯直欲問元功

三過元次山別業不獲登覽因賦四韻以示同志

勝地經過日未沈年年翹首望青林
暝帆不遣從容駐春色

何緣次第尋鑑石離離蒼薜嫩唐亭靄靄白雲深于今別却
瀟湘去花發烏啼千里心

湯世昌

字其五號對松仁和人乾隆辛未進士官山東監察御史普纂藻堂詩集

家傳畧曰公咸進士時閏五月劍考詩題為閏月定

上時

亦賦此題求佳卷不可得大臣以公卷進四時公作四詩已達式不錄

上大

加褒賞取其絲絲真蹟命跪渡繼清音二句定為第一

入翰

林公性慷慨剛直嘗踵座主劉文正公門聞人以

他容

拒公曰作保傲狀公怒曰而公大賢果縱而如是

耶手

批其頰聲達戶內於是文正延公入謝不敏焉後

保舉

御史文正即以公名上甲戌轉御史未幾擢工科

給事

中封事數十上

時人

號為湯多諫云

伏日苦雨

入伏已一旬炎曦避三舍時見金蛇掣還看銀河瀉格鬪蛟

龍陣飄墮鴛鴦瓦苔色滿牆頭漏痕穿屋罅重陰颯以秋當

暑不知夏鬱濕安足悲流潦恐害稼魚蝦入地腥遺子或蟲

兩折磨肝錄卷二十七吳爾范湯世昌

化補苴計必周
去年鑒可借瘡痍殊未復
雨師休騁霸我聞
任城南廿里飛
電下窮黎亦何辜
救飢苦不暇願回
霹靂車
急返蒼龍駕
園蔬碧平鋪
風稻紅穠穰
轉移一瞬間
田租以
誠迓火耨
望三白
養豚酬八蜡
篇終雨轉急
沈憂迫中夜
且呼河朔杯
婪尾滴糟醅

游寄暢園二首

惠麓最佳處
行窩舊有名
徑穿雲篠合
灘接石梁橫
屈曲泉流
盤周遭翠入
楹廿年塵土
夢到此一爲清

日落憩嘉樹

堂名

微風生綠漪
疑看摩詰畫
如讀韋公詩
露冷

調琴地雲移養鶴池
尙書歸未得初服遂何時

大司寇詔咏經前
輩擬以病

名假倘
未果

朱

山

字懷仁號寄巖晚號曉翁歸安人乾隆辛未進士官房山知縣有壽巖詩存曉翁詩存

陳輝曰蛻翁幼孤長而聰穎為諸生通脫可喜家徒壁
立晏如也善墨牡丹古松及山水往往賣以自給除知
縣年已五十矣為泰寧訓導寧夏湖彰化潔清自矢不
合於上官被劾逮治士民遮道而及按驗無所得制府
為陳請開復原州牧調昌平州俄以蝗案下詔獄蒙
旨以在臺居官尚優原之仍授知房山縣未幾卒於官生平
有詩古文甚多不自收拾官閣後刻

疏曠山

僻在東南極陽光入照多萬山傳藜氣四季作春和誰解開
丹竈我將問綠蘿不堪映掌客華髮已婆娑

紅毛樓

極目見神州高樓控上游置身已百尺快意足千秋幾作遊
仙夢還懷俗吏羞故人誰念我問渡海西頭

沈清任

字萊父號澹園仁和入乾隆

戴端口觀察與先君同官歲部情勤盡職口不言詩和
轉燕湖道因遊黃山致縱要犯落職起為蜀郡丞從軍

蜀折憤軒錄

卷二十七

沈清任

五

收功仍至監司日以詩畫爲業引疾歸里臨終尚執筆
作畫有人藏其未完畫稿餽題詩云弟清操乙未探花
殺早

十一月三日重過娘子嶺

一纖人如蟻千屯米似麻長官常作客山店竟成家啼鳥喧
林靜尖風落日斜者番娘子嶺何處隱清笳
木葉脫將盡殘秋又早冬三年思遠戍匹馬立危峯老衲清
茶供澄溪玉粒春明春兵事息民氣定從容

陸亦南以劍囊詩草見示奉酬贈什原韻

絲桐一卷徧春溫抗手筵前酒滿尊古調誰彈廣陵散微吟
猶傍孟嘗門午窺文豹班先見欲覓羚羊跡豈存若問江東
舊詞客巴山夜雨爲君論

楊

疇字書傳號寶洲海寧人中訥
孫觀成子乾隆壬申舉人

懷人

嚴冬風雪滿林邱揮手河梁路阻修從此還家無遠志幾時
乘興放扁舟殘霞紅處看魚尾新漲青來似鴨頭極目橫山
山下路烟波無際使人愁

家泉

雁少猿多路幾千恍擲影裏度吟鞭山城雨過飄榕葉佛館
風清放木棉官燭對難披夕霧玉臺聯句艷神仙珠江舊是
名流地莫爲思歸更惘然

詩十八北苑
攜家入粵

勞勞亭畔易黃昏廢沼荒臺欲斷魂巷口亂飛新燕子路隅
誰識舊王孫三春遊騎青絲鞋萬古垂楊白下門莫向寒窗
悲擁髻昆明劫燒忍重論

詩十漢街雷
滯金陵未歸

幾回西笑憶長安百二山河次第看三輔人家連板屋重關
天險鎖泥丸珠簾零落秋風冷瓊發淒清夜月寒莫使仲宣

誇獨步灞橋詩就駐征鞍

俞玉亭表弟入秦未回

一聲長笛客登樓
放眼關河入暮愁
南國文章風氣別
大江波浪古今流
花穠鈴閣趨庭暇
酒熟宜城挈伴遊
篋裏范磚書好在
應將刊誤續余劉

節序驚心兩鬢華
蹉跎無計送生涯
三年零雨頻傷別
十日春寒竟負花
却笑鮎魚難上竹
最憐燕子慣辭家
新詩吟罷愁千斛
極目遙天起暮霞

李

雋字存卓號樓溪嘉興人府學諸生

李遇孫曰樓溪為徵士李秋錦曾孫住梅會里

西湖雜興

年來西子愛濃粧
施粉施朱著意忙
絕倒孤山梅鶴侶
也隨歌舞作歌場

厲

明字映川號月湖仁和人乾隆
丙子順天舉人官東陽教諭

春日詠霰

春陰歷畫欲成雪古岸老梅僵似鉞
鮫人泣冷珠飀傾玉妃寒粟侵飢生
蕭蕭萬點打茅屋過于雨滴芭蕉聲
晚天風緊勢尤橫瀑響裂山心陡驚
圓跳瓦縫漏入室承塵臥架俱爭鳴
吟邊噪痒同蟬啞硯枯筆凍不得寫
詩腸清苦索酒澆忽已飛花吹滿野

禪房秋夕

人定踈鐘後蕭蕭榭葉林龕燈照殘
夢堦雨滴秋心生計無如拙禪關不
厭深草蟲何意思向曉尙微吟

石門洞瀑布

石門瀑布寰中稀終古雷聲轟翠微
絕頂長如霽雪墮半空

散作秋烟飛行經屐下濕吹面看到日中寒逼衣除却當年
讀書客更誰來此悟清機

雄縣道中次三家店壁間韻

路暗多楊柳花香發棗花浮踪仍作客僑寓轉爲家踰躓年
雖老馳驅志尙賒晚來投野店窗雨洒風斜

范

昱字西崑號泉初樓塘人杭
州府學生著敝帚小案

望獨秀峰

烟嵐紛四野獨秀在城西僧白雲中往入從烟際迷路危藤
作杖磴滑草爲梯聞有逃名客閑尋石室栖

薛廷文

字鳴上一字南武嘉興
人著聽雪齋詩話

揚蟾曰吾鄉若輩以詩得名者如王布衣介人於陳歐
子席上賦詩有云前路夕陽外行人春草中臥子大驚
曰今之高三五也由北名大著沈山子橫山講書
懷朱錫恩得句云梅花高館落春草斷垣生錢塘注麗

京丞賞之今鹵齋之得名也以雪後春歸樹花前客到
門二句世遂以薛春樹稱之余師李敬堂先生嘗語余
曰我生平作詩少得意句惟記舊作有出郭野將放到
門春水生一作詩少得意句惟記舊作有出郭野將放到
春到樹雨歇
晚開門之句
南野堂筆記薛鹵齋五十未娶有除夕詩云獨送窮愁
獨歸塵一回除夕一傷神來朝記取年多少不敢分明
說與人誦此覺難
朝飛箭溼直乏味

積雨

重陰茅屋冷三徑漸荒蕪
逐婦鳩傳恨歸巢燕引雛
雨昏江樹白溪暝水雲孤
今夜愁多少前村酒未沽

楊未孩

謙

過訪

孤吟傷落魄十載臥荒村
雪後春歸樹花前客到門
老從青眼惜貧與素交
論解得相親意應知道義尊

同朱瑜仲

謙

過鶴村訪金養真

標

兩浙輶軒錄

卷二十七

范聖 薛廷文

夕陽初落淡烟橫行盡江村路幾程一抹疎林人不見西風
吹出讀書聲

雨中

閒到心無用始知幽意生斷烟微有色殘雨漸無聲溪靜魚
多樂村虛鳥獨鳴此中能領會何事別陰晴

雨後登橫山

駝峯開晚霽一望亂晴氛遠樹得清氣野烟成淡雲茅菴僧
獨往山竹鳥爲羣不見讀書客荒臺冷夕曛

方長青蕪黃梅里喜而賦贈

月滿中宵燭影齊十年契闊手重攜尙憐牧犢初生子子年
婦一子更喜舉鴻已有妻甥館重逢多舊雨蘭臺新闢稱幽
棲與君不負爲鄰約同在梅花春水西

過大雲菴訪壽峯上人值沈芥舟宗憲曹種梅秉鈞楊

耕香與在座卽同夜話

已公有茅屋深閉水雲鄉霜月印溪色露燈開竹房談詩寒
黃芋攤衲夜焚香不使同人在眞令與世忘

舟行

潦倒烏篷酒一尊西風江上照銷魂遠山雲影多藏樹秋雨
人家各閉門客子停橈炊野渡水禽衝霧下孤村平居莫羨
他鄉樂途路淒涼不可論

西湖竹枝詞

一樣鳩鳴兩樣聲裏湖風雨外湖晴荷花折得不連藕儂在
湖時郎在城

送王訥菴堉入都

楊柳綠如此送君江水濤但言前路遠那及別愁深春草他鄉夢塞燈舊雨心秋來見鴻雁好寄故園音

張逢年

字炳文號怡亭平湖監生著懷永堂詩存二卷

錢陳羣懷永堂詩序畧曰怡亭別業在東湖之旁曰十杉亭軒楹廠隔茶竈潔而不華蔽閣焚香迤邐達流連不能已擬之唐賢摩詰與裴迪張諲之徒酌酒菜黃灣閑吟問味乘醉題壁殆庶幾乎詩之臭味亦畧相近

錢塘周穆門先生過十杉亭有詩奉酬

久識先生腹笥便詩如珠轉不須穿可能爲我畱三宿吟盡

東湖春水船

霜降前一日戾虛上人過話十杉亭以懷清堂詩集支

分茶竈清閒地平字韻分得茶字

小閣初營竹尾斜別開溪壑貯烟霞相逢癩可頻敲句得其

入隨細品茶妙繪莫遲前度約時災公爲秋香猶剩後園花

流連好趁霜清夜擬向澄波放釣槎

張繼棧字景南號敬軒桐鄉歲貢生官淳安訓導著蔬坪草

訪樺上人

石橋野徑叩林扉佛屋苔深人迹稀古鼎碧烟時裊裊幽花
黃蝶故飛飛手臨書畫新裝卷頭白雲山舊衲衣我是遠公
門下客虎谿相送久忘機

哭魏更生

賈島清吟負罪名歸儒意氣尙崢嶸獄中畫壁人傳死當事
憐才天使生肝胆輪囷猶可瀝文章感慨不能平只今少谷
山人沒誰是當年王子衡

朱英字舍叔號葑房桐鄉人國子生著史山樵唱三卷

張繼棧朱英

鮑廷博曰葯房應鄉試屢薦不售後緣事畱蜀中四十餘年得釋歸趙味辛選定其詩爲史山樵唱三卷

巴峽水

巴山高江水流哀猿一聲三峽秋蕭疎木葉盈灘頭瑟瑟打鼓誰家船一人柁振千人牽中有羈人淚盈把灑付江流向東下

燕銜泥

燕銜泥營巢宿過茅簷覓華屋珠簾高捲棲雕梁芹泥作甃春來忙寄聲燕燕爾且休華屋有時成山邱何不向我茅簷畱

梨花

滿樹渾如雪羞同桃李妍青旗沽酒路紅粉洗粧天多雨逢寒食成雲淡夕煙攜筇相對立爾我共華顛

庚子除夕

今夜轉淒然挑燈照不眠
流光終一歲異地滯三年
患難須知命半愁敢問天
來朝春有信可到蜀江邊

憶故園溪亭

百折桐溪水溪邊舊有亭
拂堤官柳碧遶屋女桑青
風景今何似行吟昔所經
錦江雖勝地無奈是飄零

秋月

詩常見月尙含愁何況天
涯值素秋風葉庭前霜氣
冷露蛩聲裏水光流關山
處處聞鴻雁河漢年年隔
女牛涼夜相看潛制淚異
鄉一十四當頭

連日送遠有感而賦

一句幾度送交親慙愧淹
留異地身賦命窮通原有
定搏沙

聚散總無因鏡中窺鬢難畱黑客裏看花不當春旅舍相關
仗鶯友那堪分袂兩二人

偶書

路隔東吳雲水程誰教畱滯錦官城尊鱸鄉味頻年夢風雨
簷花獨客情黃耳那能傳遠信白鷗應已冷初盟子規未識
羈人苦猶是催歸到五更

書兒子鴻猷咏荔詩後

稚子嘗新賦小詩老夫飽噉已經時十年旅館無人識只道
淹畱爲荔支

送友旋里

何處桃花酒惟遺楊柳詞送君還故國替我說相思棹逐流
波去心懸撲蝶時若逢程子問莫道滿頭絲

獨鶴

是羊公鶴孤音不忍聞無心求鳳侶有恨落雞羣影按春
雪思垂海角雲援琴知獨苦裂作斷腸文

姜宸熙

字檢芝號笠堂烏程諸生著陵陽山人集

戴路曰笠堂夙負詩名客遊閩粵陳伯恭學士崇本出其門與賈道峯學士同視至交入部時道峯官侍郎贈詩有故人新作蘭臺客野老猶耕穎上田之句終于不遇而歿楊拙菴知新梓其遺詩汪淮曰笠堂有句云壁蟲秋靜作人語露葉夜明如水流

送屠武青之嶺南

芳草動離愁天涯賦遠遊一槎橫漢水萬里到羅浮白葛經
冬御紅棉趁雨收炎荒風物好且爲荔枝畱

雨中葉止齊過山莊訂遊碧巖

君家石林下予家漁山灣忽然攜短笠訪我青松間青松何

兩山轉車鈿 卷二
鬱鬱龍竇何噴噴枝頭飛雨來濕霧蒸柴關三十六峯路歷
歷秋蒼寒朝登碧巖頂暮宿七星壇壇前是龍口中有金衣
丹相將其乞食揮手謝塵寰向禽吾夙願五嶽鞭雲還

松陵道中

平生湖海綠一笠隨鷗鷺哨帆趁春潮疾下松陵路三高祠
歸然花滿棠梨樹古塔夕陽微遙城籠煙霧漁舟欵乃歌行
客競晚渡沽酒向江村停橈日已暮

南屏訪讓山上人

輕舟載一鶴來訪老僧家古磴濕空翠曉峯明飀霞水蔬供
待菜仙飯煮藤花便就蒲團坐聯吟到日斜

上韞光山

尋僧過靈鷲直上古韞光半壑響流水一龕聞妙香芝田經

雨綠山果入秋黃欲訪岫樓勝松門徑已荒

眞州

曙色霽遙浦片帆衝曉行疎燈明驛火殘雨亂鷄聲綠樹眞
州道青山建業城渡江空擊楫搔首歎勞生

渡江寄王穀原

又會

沙雁落紛紛遙城散夕氛江空微有月天遠淨無雲吳楚鄉
音隔風塵去路分芷蘭獨自採何處寄夫君

秣陵道中

浪跡非吾願遠遊思黯然偶隨瓜步雨獨上秣陵船畫角吹
殘戍低鳥噪野田江鄉春已盡處處柳如煙

過圓證寺從後欄上碧巖

青蒼無遠近一徑到松門竹密鳥聲亂雨餘山氣昏絕崖懸

瀑道黑磴滑雲根此去達岩頂蘿深未可捫

從碧岩下龍華寺

秋山不可極下望多長松萬壑隱深翠亂雲生晚峯崖迴迷
鳥路壁削斷人踪恰喜夕陽裏遙遙響暮鐘

寄茅湘客

官齋支枕足高眠博士風流屬鄭虔小有吟情生雨後乍添
涼思近秋前山樓客散長垂箔水檻潮平不碍船擬假一篙
來問訊蓼花風信滿江天

安溪郭外作

刺桐城畔秋氣清刺桐城外殘照橫一江濃黛向人盡千樹
亂蟬隨意鳴湖海獨遊同野馬風塵久客歎勞生典衣換酒
尋常事不爲黃花怆旅情

舟山春望

深竹蕭蕭繞院門短筇挂雨上松根梨花春望杳無路山裏

白雲山外村

唐之鳳

字武曾烏程貢生著
天香閣詩集十卷

諸錦曰唐翁弱歲諱親鐵嶺不

魄孝子之目詩亦規撫具體

朱文藻曰唐之鳳所著天香閣詩集謹案

欽定四庫全書錄入別集存目稱其詩多愁苦之音疑古諸

作亦頗具體
然未能變化

落花篇

春城一夜東風急綺樹繁花減顏色已見飄零小徑西還看
委積高樓北高樓百尺玉玲瓏四望嬌枝爛漫中方伴管絃
臨素月又隨煙雨逐離鴻此日縈迴紋紫閣此時浪籍踏青
驄河陽上邑芳華歇金谷名園淑景空淑景芳華朝復夕回

首霞紅成往昔香葩艷蕊盡傳揚翠幙金鈴勤護惜誰家遊
女六萌車陌上相逢白鼻騮舞燕啼鶯春正永采蘭贈芍日
初斜玉壺滴滴爐頭醉錦袖飄飄林外遮玉壺錦袖樂不已
美景良辰孰相俟昨宵麗色映湖山今日濃陰遍桃李桃李
濃陰三月天花開花落更淒然持杯莫怨芳菲盡載酒尋花

隔一年

姚

慶

字與郊號葭客烏程監生考職主簿著深

茅

映奎傳畧曰君與宣城沈延端維城邑宰鮑珍武林

金

農松陵王藻同宗世鉅世道並稱金石交而宣城為

尤

密每遇雅集酒闌獨地筆墨交飛彷彿仲瑛百穀遺

韻

詩兼王韋梅諸體為沈歸愚官傳諸草廬官贊所

許

可遺孤文

秦

克繼世緒

諸

錦深竹映書堂詩鈔後序畧曰吳興姚君葭客少即

嗜

詩甫壯而天得詩若干首于觀其鄉社及遊覽諸什

五

七言均可披瀝皆自出機杼不拘一格坐平喜笑遊

樂

施與又嘗修築澤宮已授官矣不克展其才乃其詩

不至與腐草同泯是亦
可以免無年之嘆矣

游支硎山

春風東面來草色添新綠環洲既窈窕
徑轉幽曲茲山開
士樓結宇翳雲族盤盤綠石磴歷歷
矚林麓白日優曇香經
聲在杉竹聽法或逢猿銜花時見鹿
機心坐來忘清嘯答崑
谷

彭澤縣

搖落楓林暮孤城背水開千年遺舊蹟
三徑只荒臺撼枕潮
偏急驚秋鴈自來南山何處是擊楫
且銜盃

沈麟燦

字寶華歸安人

杭世駿愛日軒遺稿序畧曰吾友沈君
麟燦有才子曰
寶華幼具至性母以
免身而疾繼天所代
母愈而竟夭折以死
所爲詩靈機獨運如
石芝九光幽蘭一穗
挹之則無迹佩之則
彌芳

碧浪湖消夏

碧湖森森浸天光消夏應來占此鄉岸柳綠遮漁父宅渚蓮紅繞野人航渾無暑氣侵衣熱剩有風聲過枕涼更喜夜來新月上呼童沽酒向橫塘

蔡人龍

字清字號西掖德清諸生著積穀山房文鈔候蟲集詩

吳興詩話蔡封翁癸丑翰林之定父自號西掖居士性至孝家貧以筆耕養父母一時名士多出其門博洽工詩文獨拙於書刻小印曰指不若人操節耿介幼隨父公車入都與王文莊梁文定同學相善及二公貴從未鈔八卷詩集十卷

薊城道中雪霽

出店風侵骨寒雲忽已開馬蹄和雪起人面帶冰來晴色淡朝旭凍痕僵古梅蕭蕭薊城路清絕此徘徊

周應垣

字東五號青圃慈谿歲貢生著青圃詩古文集十四卷

邱而後何
代無賢

寓山寺卽興

古木森蔽虧駁旭漏清曉寺樓寂如水意出遠山杪流泉入
吾耳爲洗萬累擬忘言誰或知試舉問樓鳥

周紹鈞

字畏宏號舫軒山陰諸生著舫軒詩選

曉度關山嶺望滁州作

環滁好山色曉雲半杳渺行步信馬蹄諸峯沒鴻爪亭記醉
翁名殘碑尙可考雄關扼其巔直指臨濠道泉石閎靈奇王
侯雜備保天授力非人社墟墓亦草立馬獨躊躇寒風起林
杪

金廷輝

字曜催號杏村山陰諸生著問心堂詩稿

越風杏村有子
士芳能世其學

潮後渡錢塘江

浩浩意不盡寒潮逐望迴江連遠山動天到海門開樓閣分
吳岫烟嵐隱越臺秋風誰作賦終憶濟川才

葉

驥

字千里號笠翁歸安人乾隆丁卯舉人
官祿豐印縣改州知府教諭著笠翁初稿

吳興詩話明府傳學好古詩亦清拔遺集散失僅記贈
葉辛麓方伯詩云此身未了鬼關關每飯不忘龍井岡

秋雨次韻

秋雨夕陽外白雲連翠微掃門三益近攬鏡二毛稀園柚沈
朱實山禽落毳衣何當就晚菊一醉掩林扉

將至長沙

朱橋澄秋社寒華護野塘林端吳岫遠夢裏楚天長鼓枻逢
湘女占星入夜郎前程無季主誰與卜行藏

瀘州城西忠山一名寶山山有武侯祠堂前建一亭下

陳州城了然在目壬午秋日偶游賦此

了了江陽國橫圖畫不成清溪環半袂白塔引雙旌檻外變
雲台堦前碧草生展江三十里猶見釣漁城

遊資福寺懷石林精舍

路入招提深復深石林咫尺竟浮沈文章江左新傳業涕淚
中朝舊滿襟絕壁松烟翻鳥篆一溪花雨約蟬吟遙知昔日
談經處玉澗迢迢不可尋

城南清容軒元袁桷讀書處

堤岸蕭蕭楊柳昏來從居士乞前軒數峯自照清容寺一水
遙連黃葉村夜火幾家還趁市西風滿地不開門詩人頗近
橫塘住咫尺鷗波絕可論

雪山道中

經施高陡谷徐衍瘦馬南來踏硬沙徑轉人時衝去鳥林開
路欲閃驚蛇微陽祇愛枕椰樹遠浪徒翻蕎麥花遙望火雲
蒸雪嶺鐵爐城畔半規斜

自夔州東下巫峽雨夜泊舟

一線愁雲長不滅巫山隱約見眉尖天涯搖落逢紅豆秋水
空明照白鹽東帶未堪勝五斗峭帆渾欲渡千巖楚天寒雨
孤舟裏眞笑先生帽打簷

舟過瀼西求少陵草堂不得

朝辭白帝放船回瀼水東西幾溯洄翠竹江村徒悵望秋風
茆屋已荒頽八詩剩有昆明水九死終歸滯潁堆欲起先生
薦杯酒一樽商畧過琴臺

癸未京師守歲葉辛麓寓中同次東坡歸字韻

東風不遣旅愁揮寂寂燈花落焰微已分生涯同小草何須
驅使及當歸宦情似水清難挹醉面如霜紅易稀幾日石湖
催去棹一樽兒女喜相依

武陵夜泊

石出煙消楚水深好風吹我一披襟霓橫落照低紅雨鴉矯
荒林破綠陰三載重尋湘水路四愁難滿洞庭心武陵南去
茫無際羌笛何須作遠吟

秋日同宋梯雲越遊昆明湖途中口占

一水盈盈限紫微相將下馬拂征衣自憐不及汾河雁只傍
秋風太液飛